

**Grad Novi Pazar**

**Skupština grada**

**Odbornička grupa SDA Sandžaka**

**Novi Pazar**

**10. septembar 2022. godine**

**P R E D S J E D N I K U**  
**SKUPŠTINE GRADA NOVOG PAZARA**

Na osnovu člana 44. stav 1. i 2. člana 46. stav 1. tačka 76) i 77) Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O DOSTAVLJANJU IZVJEŠTAJA O AKTIVNOSTIMA I OSNOVANOSTI AKTIVNOSTI PREDSJEDNIKA SKUPŠTINE GRADA NOVOG PAZARA U VEZI UPISA U POSEBAN (bošnjački) BIRAČKI SPISAK**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja je zakazana za 12. septembar 2022. godine.

Ovlašteni predstavnik odborničke grupe SDA Sandžaka je odbornik Dinheta Pulić, profesor.

**Predsjednik odborničke grupe**

Ahmedin Škrijelj

## **PRIJEDLOG**

Na osnovu člana 32. stav 1. tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 147. Statuta grada Novog Pazara („Službeni list grada Novog Pazara“, broj 6/19) i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 15. novembra 2021. godine, donosi

### **O D L U K U**

#### **O DOSTAVLJANJU IZVJEŠTAJA O AKTIVNOSTIMA I OSNOVANOSTI AKTIVNOSTI PREDSJEDNIKA SKUPŠTINE GRADA NOVOG PAZARA U VEZI UPISA U POSEBAN (bošnjački) BIRAČKI SPISAK**

##### **Član 1.**

Obavezuje se predsjednik Skupštine grada da odbornicima, u roku od 48 sati od stupanja na snagu ove odluke, odbornicima Skupštine grada, dostavi pismeni izvještaj, odnosno izjašnjenje, o:

- navodima koji su se pojavili u javnosti da u prostorijama političke stranke kojoj pripada (Sandžačka demokratska partija) vrši upis omladine u poseban (bošnjački) birački spisak;
- zakonom ili drugim opštima aktom utvrđenim ovlaštenjima predsjednika Skupštine grada i političke stranke kojoj pripada u vezi sa radnjama koje se odnose na upis u birački spisak;
- drugim aktivnostima koje su preduzete a kojima se eventualno kompromituje izborni proces za Bošnjačko nacionalno vijeće;
- broju lica koja su do dana donošenja ove odluke, upisana u poseban (bošnjački) birački spisak, na gore opisan način;
- da li su navedene radnje preduzete samoinicijativno ili po nečijem nalogu (ako su po nečijem nalogu naglasiti čijem);
- postojanju ili odsustvu odgovornosti za direktno kršenje Ustava, zakona i propisanih nadležnosti predsjednika Skupštine grada i postojanju ili odsustvu odgovornosti za kompromitaciju izbornog procesa za Bošnjačko nacionalno vijeće zarad interesa političke stranke kojoj pripada.

### **Član 2.**

Izvještaj odnosno izjašnjenje predsjednika Skupštine iz člana 1. ove objaviće se i na zvaničnoj internet stranici Grada Novog Pazara.

### **Član 3.**

Ovu odluku objaviti u „Službenom listu grada Novog Pazara“.

## **SKUPŠTINA GRADA NOVOG PAZARA**

Broj:

U Novom Pazaru, \_\_\_\_\_. \_\_\_\_\_. 2020. godine

### **PREDSJEDNIK**

Dr. Anela Šemsović

## O B R A Z L O Ž E N J E:

### **Pravni osnov za donošenje odluke:**

### **Pravni osnov za donošenje ove odluke sadržan je:**

- u članu 32. stav 1. tačka 20) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018);
- u članu 147. Statuta grada Novog Pazara („Službeni list grada Novog Pazara“, broj 6/19);
- i članu 137. Poslovnika Skupštine grada Novog Pazara („Službeni list grada Novog Pazara“, broj 6/19).

### **Razlozi za donošenje odluke:**

Funkcija predsjednika Skupštine grada kao i uostalom sve ključne pozicije koje daju mogućnost upravljanja poslovima koji su u nadležnosti lokalne samouprave nose sa sobom veliki stepen odgovornosti u pogledu njihovog izvršavanja na principima morala, etičnosti, nediskriminacije u pogledu nacionalne, vjerske, i političke pripadnosti.

U javnosti se pojavila poruka koja je poslana putem mobilnog telefona (SMS, Viber i WhatsApp) sledeće sadržine: „**Sledeće nedelje se prijavljujemo na poseban birački spisak u prostorijama SDP-a. Za glasanje na izborima za Bošnjačko nacionalno vijeće. Imamo sastanak sa dr Anelom i onda se upišemo u spisak, ne znači da smo glasali za SDP, samo smo se upisali u birački spisak da možemo glasati na izbore, jer smo Bošnjaci.. Pa ako si zainteresovana i imaš vremena za sastanak javljajam ti tačno vrijeme i mesto sastanka.“**

Postupanjem na ovaj način, ukoliko se radi o tačnim informacijama u vezi učešća predsjednice Skupštine u ovim nezakonitim aktivnostima, na najgrublji način se vrši zloupotreba službenog položaja te se unaprijed kompromituje i obesmišljava izborni proces za Bošnjačko nacionalno vijeće.

Članom 5. Ustava Republike Srbije propisano je da politička stranka ne može podrediti vlast sebi dok je članom 48. Zakona o nacionalnim savetima nacionalnih manjina jasno propisano ko

i pod kojim uslovima može vršiti upis u poseban birački spisak manjinskih naroda. Takođe članom 38. Zakona o lokalnoj samoupravi i članom 52. Statuta Grada Novog Pazara propisana su ovlaštenja predsednika Skupštine. Nijedan od navedenih pravnih akata ne daje pravo predsedniku Skupštine da se na bilo koji način, sa te pozicije, miješa u ovaj proces a posebno ne smije upis u birački spisak vršiti u prostorijama političke stranke kojoj pripada.

U cilju otklanjanja potencijalnih nezakonitosti ili eventualnog prekoračenja ovlaštenja te radi čuvanja integriteta izbornog procesa za Bošnjačko nacionalno vijeće i vraćanja povjerenja građana u rad lokalne samouprave i njenih najviših predstavnika neophodno je da predsjednik Skupštine odbornicima dostavi pisani izvještaj odnosno izjašnjenje o:

- navodima koji su se pojavili u javnosti da u prostorijama političke stranke kojoj pripada (Sandžačka demokratska partija) vrši upis omladine u poseban (bošnjački) birački spisak;
- zakonom ili drugim opštima aktom utvrđenim ovlaštenjima predsjednika Skupštine grada i političke stranke kojoj pripada u vezi sa radnjama koje se odnose na upis u birački spisak;
- drugim aktivnostima koje su preduzete a kojima se eventualno kompromituje izborni proces za Bošnjačko nacionalno vijeće;
- broju lica koja su do dana donošenja ove odluke, upisana u poseban (bošnjački) birački spisak, na gore opisan način;
- da li su navedene radnje preduzete samoinicijativno ili po nečijem nalogu (ako su po nečijem nalogu naglasiti čijem);
- postojanju ili odsustvu odgovornosti za direktno kršenje Ustava, zakona i propisanih nadležnosti predsjednika Skupštine grada i postojanju ili odsustvu odgovornosti za kompromitaciju izbornog procesa za Bošnjačko nacionalno vijeće zarad interesa političke stranke kojoj pripada.

Izvještaj odnosno izjašnjenje o svakoj od navedenih stavki potrebno je dostaviti odbornicima u roku od 48 sati i isto objaviti na službenoj internet stranici Grada Novog Pazara.

#### **Objašnjenje pojedničanih rješenja propisanih ovom odlukom:**

Član 1: Utvrđen je predmet odluke, odnosno obaveza predsjednika Skupštine da odbornicima dostavi izvještaj odnosno izjašnjenje u vezi navedenih stavki u članu 1 te je utvrđen rok za izvršenje ove odluke.

Član 2: Utvrđena je obaveza da se izvještaj odnosno izjašnjenje iz člana 1. objavi na internet stranici Grada Novog Pazara.

Član 3: Propisana je obaveza objavljivanja ovog akta u „Službenom listu grada Novog Pazara“.

**Finansijska sredstva za sprovođenje ove odluke nisu potrebna.**